



Dai 10 ai 12 de Furá él gnü fat les „Europameisterschaften” dla lüsa tla Germania, por le nono iade. Por le prüm iade él ince stè atlec dla Slovenia che á tut pert. Insciö röia la competiziun a 5 paîsc diversc te Europa.

Pro i ëi á indô inom le duél Andreas Ehammer da Zillertal cuntra Südtirol. In chësc ann él stè spo Diego Tschaffert (U.S. La Val) che á portè a ciasa le miú tēmp. Insciö al indô mostrè súa gran forma. Ince sce les condiziuns dla pista é stades ries y Diego â ciamò en numer alt, él stè bun da portè al travêrt döes proes perfetes che ne ti á dè degüna poscibilitè ai avversarsc. Bele la sabda al á metü sö en nû record dla pista cun 01:12:92. Mo chësc record á ma tigní 12 ores, la dumënia él stè bun da portè le record a 01:12:90. Degun ater atlet é stè bun da ruvè sot al 01:13:00. Andreas Ehammer che è ruvè secundo á albü en distach sura a 1 en secund. Forer Armin é ruvé al bun 5. post.

Pro i Senioren II á Miribung Carlo mancè depüch le podest, ruvan insciö al 4. post.

Pro les ëres él indô stè Reinilde Gamper da Latzfons che á dominé. Por le 4. iade era insciö campiona d'Europa, cun döes proes perfetes. Pro les Junioren II é ruvada Iris Erlacher al bun 3. post.

Alton Tone y Erlacher Daniela é tumá fora pro üna dles döes „manche“.

Pro les tlassifiches a squadra é jü le titul por le 6. iade ala Talia (Südtirol). Les proscimes “Europameisterschaften” tl 2013 sará te Südtirol sön la pista da Latzfons.



Por udëi la tlassifica "Einzelsitzer" drüca: [Tlassifica Einzelsitzer Europameisterschaft.pdf](#)

Por udëi la tlassifica "Dopelsitzer" drüca: [Tlassifica Dopelsitzer Europameisterschaft.pdf](#)